



常齋集卷之十

新安朱松喬年

序記 題跋

錄曾祖父作詩後序

唐人陶雅為歙州初克婺川天祐中吾祖以雅之命
主婺川輸賦總率三千人戍之邑屋賴以安因家焉
是為婺川吳郡朱氏之始祖沛邑有朱氏蓋初來於歙
之黃墩今歙民有朱氏秋祭或用魚鱉者皆族也家
婺源者其產甚富有三子事南唐補承旨嘗侍之號
其後多有散居他郡者家父歙溪府君即其曾孫也

美者曾祖甫字繼其居第二百年不徙於前
府君有從兄之貴少孤力學有詩名咸平中以鄉薦

試南宮不利還家隱於卜肆不求聞達天聖中老死

無嗣府君為治後事其墓知歛漢府君少倣儻事繼

母甚謹嘗從兄學詩知其大要大中祥符甲寅歲宮

贊杜公為婺源使居吏籍二十年明於法律而鄉里

無怨言景祐甲戌辭吏事歸治生業雖煩劇中賦詩

自如也嘗自集其詩得三百餘篇諸族中往往有自

為一序効王元之為潘閬詩序體其詩立意教化而

不苟作識者以為自成一家享年七十有六三男二

女松行曾祖蓋村也惜其無以自發於世因序其後以

貽子孫有起家者為光揚之嘉祐五年庚午仲春既

望望序此蓋村府君所作序也丁酉政和八月十二日重錄

送程復亨序

廣平程某復亨謂予外兄從予遊於閩者二年予語

以安逸憂患知之詳矣將歸省其母及其祖母其可

以無言司徒文子問於子思曰親喪三年未葬則何

服子思曰三年而未葬則服不除也故告之一曰葬

吾舅而後加吉服夫子失魯司寇將之荆先之以子

夏申之以冉有曰喪不欲其速貧古之君子以失位

於諸侯曰喪喪不欲其速貧若是其急也故告之二
曰葺爾居以寧爾親遠生麻中不扶自直植之榛莽
則與之靡然故告之三曰非爾父之類者勿親也江
出岷山自荆之楚汪洋千里而至于海者大川三百
小川三千以為之助也故告之四曰廣學問以資見
聞傳曰宴安鴆毒不可懷也君子非獨惡懷安之敗
名惡其敗姓也故告之五曰勿懷安禮曰男子生則
以桑弧蓬矢射天地四方示志也夫不貲之軀豈其
浮沈鄉里而名不稱故告之六曰無忘四方之志夫
齊之善味者淄澠之合能辨之淄澠之合均是水也

他日執經而來問予能入於常流而不變其
尚能為君辨之宣和辛丑八月某日常齋朱某

送日者蘇君序

小雅之詩天之生我我辰安在說者謂所值歲時月
日是辰六物之吉凶然則推步人生時之所值以占
其貴賤壽夭自周以來有之矣後世卜筮訾相地理
之學多著於世而六物之語時或先於簡冊自賈誼
王克皆有祿命之語詳其旨殆與說詩者之意合
才雖著論痛詆其誣可以抹一時濫溺之弊而天

之精微才不及也然以其學煥然名世者蓋鮮至唐
殿中侍御史李虛中始以造詣精奧之思盡發其秘
其說見於韓退之之墓誌曰以人之始生年月日所
直日辰支干斟酌其人壽夭貴賤百不失一二合之
詳世邀利之徒皆祖述其書而不知聞有窺其關節機
牙者蓋其為技兼五行星曆家之學既以日時推其
分至氣節之淺深以步日月五星之所次又以其五
行之生死王相清濁愛惡參稽錯徵銖稱寸較以處
其所賦之賢否厚薄是以其言汪洋虛無而不可執
持間有不合則曰是言不可立植表下漏之所定乎此所
以視諸家之技尤難見其所以也近世士大夫束書不
學而汲汲趨合於世唯恐其不合故此技多售而其言
亦徃徃而合吾常悼其然而不能救太息而已福唐
蘇生以技來見因以所識十餘人之歲時評之蓋十
得八九吾意挾他術也而窮其說則皆有理與吾所
聞於古者不甚相遠也豈偶然邪不然韓退之所稱
何以過然吾方將營百畝之田躬耕於深山長谷之
中共為子職以求其志視一世富貴何啻浮雲之過
目而生迺謂我且進為於世吾既歎其有學而多中
念斯言之將不驗也故識以遺之生名黻病目視不

增尺以故不能... 靖康丁未四月
望日新安朱... 序

富少... 記

然興十年今左朝請大夫郭... 未守建安不為苛
繳之政郡以無事則曰建為州南控兩越北走江湘
士大夫取道于我者日至而無所於館則問舍於逆
旅昔晉季公為諸侯盟主銅鞮之宮數里而隸人之
垣以蕭諸侯君子譏之今吾於居處遊觀不敢有增
而館舍無所其若四方之賓何如是營表故行牙廢
址于城西南而屬役於其屬葉顯趙伯暉以九月甲

子經始訖役於十一年三月丁巳土木之工以日計
者凡六千二百而民莫之知也扉戶嚴顯堂室靚深
昏明寒燠皆適人意... 南列四舍於門外食息之
所頌不問館人畢... 關則雖車馬奔濤而猥至者
皆免與市人役夫... 隨踵躡於囂塵塗潦之間附驛
之南列屋三十楹積其儻以憊木朽墜剝墉缺而甃
毀丹漆黝堊之憤閣圮落者以時繕之余方食崇道
之祿來客於建郭侯曰願有紀也三代之有司治其
廬舍委積以待賓客者備矣蓋秉禮立制而受之官
師細大具舉而豐省有度此所以為先王之法非後

世所能及也去古浸遠士之甘嗜進趣者羸詘之不
知而困弊所恃以稱實家之為故又不及是則或視
事之荒埋廢墜于前者不肯一舉手始得避慊之便
以誘後人均之二者其處心之私一然則為今之吏
能舉事以便人非役志以干譽而求益也而民不以
為病則既難矣於先王之法又廢幾不失其遺意雖
欲不書其可乎新安朱某記

建安縣敕書樓記

建炎初詔州縣官寺趣無乏事他不急之役悉禁毋
得以勤民建安縣無自火于戊申之盜仍寓於民居

秋隘軍於今所以賦政百里者甚不足以稱中又
更盜賊廢亂至煩王師群盜始次第伏誅是以凡五
六年猶不克以詔書從事而復於其舊紹興四年今
左朝請大夫長樂石君廉來為令汙萊浸闢閭里昭
蘇始營表縣治故址度材致用百役皆興未幾而堂
廡庫獄與凡令所以聽訟宴客者不侈於舊而皆備
獨門未及作而石君受代以去後三年今令左承事
郎括蒼葉君蔣至曰閉閣卑痺而風氣虧疏前令所
不暇非以吾諉也吾又趣過目前而曰待後之人窳
不共事不已甚乎且異時遵用建隆詔書即門為重

屋取凡制教皮而處之其上今所於成而處之他
所甚非有司尊嚴象貌謹守章程之意乃作門而
因建所謂敕書樓者十年正月某甲子始作訖於三
月之某甲子以二數之蓋三千而羸嚴正高明父老
來觀莫不豫然動色而相謂縣有大役乃無一吏持
符箠謹吾里中者蓋令隱吾民脫命九死之餘日入
於困窶而將無以生也恕思而勤撫之斯役也猶不
吾及况於奉已厭私之為乎於是相率來請文以為
記夫置吏以為民也吏遍於天下而柔良介特之民
不獲其所者尚多則材者少也吏材矣私志未泯而
惻怛之誠不至則願州嘆美之謂有能棄之以齟齬
吾亦于者而况於官有大役乎君子之觀政也得其
素孚於民者而於舉事焉驗之則庶幾矣然則茲樓
之役其亦足以觀夫

尊勝院佛殿記

始予客政和往來建安必舍於城東所謂尊勝禪院
者厦屋百楹清邃纒澗常灑然忘其漂泊之勞去之
十年而再至則盜火之餘草出垣端庭穢屋庫而不
可入其徒出沒於蓬藿荆棘之間皆慘慘無人色是
時主者非其人土物之出入不可知惓瘠其衆而自

封也已而執事者案見其罪斥去而以今淨悟大師
祖源易之源數主聞寺輒棄去廬於南山之巔澹然
蓋將老焉歲在庚申予罷官行朝寓居建溪之上而
源來見曰吾將首為殿以居佛度費錢三百萬當勸
吾州之人有志於善者使之樂捐所餘以助我是役
也成君必為我記之予曰記易事耳建土瘠而人生
理薄天數經盜自朝廷常閔閔焉赤子視之非常賦
也不忍有所斂將安所取三百萬以佐子乎雖然子
必勉之子能勸子之人施錢以為殿而我不能施文
以為記乎源曰律人自變亂以來行伍田廬之姦媮

快一時福不盈竹族夷鬼亂不見蹤跡吾儕方在水
火鋒鏑之間不自意全今乃復得甘食美衣虞樂仁
聖之澤非宿植善本則何以至此皆將率德蹈義以
道迎善祥鄙爭吝嗇之俗視昔者則既瘳矣廢幾可
以廣吾師勸道群生之意而幸有所立此吾所自詭
而不刻也明年既成土木之工若干僦罷工巧不損
其舊蓋州之善士某人為之倡而佛菩薩像之費則
助教吳公與獨任之嗟乎人之可與為善雖蕩析困
苦萬折而不變此天賦之秉彛未有知其所由始者
也仁人君子不絕於當世其勢可以鼓舞一世而納

之於善宜不足為難然所謂移風易俗使天下回心而向道者或曠世而未之見此又何說歟予既樂道建人之易與為善因附之以所疑以風曉在位者又嘉源之不愆其志也為之記其年月豈獨以少壯所遊而不忍忘也哉

清軒記

余少時未更憂患視天下之物警然不以屑意而尤少所合建陽劉文伯獨繾綣從余遊唯恐後已而余以貧隨牒四方僕遯衆人之後厄窮卑辱無所不嘗亦聞文伯以鄉舉試禮部時時書來相勞苦意不少

既稔於世故寓居建水之上蓋將老焉見文伯於鄉有司場屋條對之文條愈精密無中年衰憊之氣既又無所合以歸書來曰比即居之東闔屋若干種花藥在列藝竹以為陰榜曰清軒間於疾疢取書史誦於其間客至淪茗論文悠然不知日之夕也予為我記之余方汨當世之垢汙恨無饘粥之田可以歸耕庶幾跌蕩萬物之表文伯之歲事雖靳靳僅足顧方汲汲求決得失於匹夫之手而不能無介然於膏次此殆於余所謂厄窮卑辱者未之嘗尔文伯有田廬以為歸異時倦游而反方徜徉此軒誦壁間

之說曰有是哉可以油然而一笑也新史未其記

跋山谷食時五觀

右魯直食時五觀語予受而行之猶有愧於藜藿而况於玉食乎今錄以示諸弟而贊之以三語曰知恥可以養德知分可以養福知節可以養氣孔子曰我欲仁斯仁至矣豈欺我哉宣和壬寅五月二十八日建州龍居院上方書

戒殺子文

政和七年秋予方寓學雲溪之上聞溪上王氏婦死一日夜而復蘇亟往問之具言所見云死之日方入室有二吏候於戶間趣之行沙莽中不知日之早晚也忽至一城通衢列肆如大都市凡其祖先與其親戚之死者皆驚怪相問勞吏引至官府西廊吏舍舍中簿書盈屋一吏按簿問婦汝非歙州婺源縣俞氏女乎曰然具問其祖父名與鄉里皆非也舍中吏愕然相顧曰是郡縣姓氏之同者呵二吏復往須臾一婦身血淋漓四五嬰兒攀緣牽挽而嬰兒狀甚忿切吏審以州縣姓名祖諱皆是指語王氏婦曰此婦凡殺五子冥司以其子訴寃甚不貸一吏盡呼之吏誤呼汝歸語汝鄉里親戚慎毋殺嬰兒人聞容以幸免此

不汝救也。二吏復送婦及河，推墮水中，乃蘇。尋問於所見，追婦家死，以其日矣。余聞之曰：冥漠之事不可得而知也。吾鄉之人多止青兩子，過是不問男女生，輒投水盆中殺之。父身容一，有兄弟懼其分已貲，輒亦從旁取殺之。然其亦託以誅，而忍實於死，父母之於子者，始生兄弟幾何，不知以殤禮葬之，出腹而殺之。

然乎則不可知，不人倫之愛孰如父而忍實於死，父母時未成人而死者，死猶云可傷，况夫哉。自予來閩中，聞

閩人不喜多子，以故為常，未嘗不惻然也。無故殺子，孫官有法，甚明，顯於習俗之昏，則雖有法而不能勝。夫法有所不能勝，則亦何事於吾言。然吾聞吳道子畫鄧都之變，都人不敵屠宰者，累月夫人固不可以法勝，而可以理動者，庖宰且可罷，况其天性之愛乎。是未可以厚誣斯人，而懸斷其必不可告也。故取王氏婦所見次第之，雖然，予文之不工，豈能使人讀之，聳然如見道子之畫哉。其亦區區之意，有所不能已也。他日將有語其子孫者，曰：活汝者新安人朱喬年也。或由此也夫。

帝齋集卷之十一

新安朱松喬年

表疏啓

代謝獎諭表

仰中華祝實間謠頌之言方恐堯舜亟拜都俞之詔
俯從人欲曲荷天慈中謝切以為天下君既擁三靈
之祐使聖人壽實繫四海之心矧冒寄於承宣久叨
承於苞從敢期日月之照不遺臣子之誠伏遇
皇帝陛下克享天心永作民主接昌期於千歲已幸
親逢讀細札之十行更勤寵賁臣無任

化日初長方護義和之日濟陽來復約...
恭惟 皇帝陛下蓄德粹剛撫時嘉...
祐含生茂對時行道迎叶氣肆鴻儀之亞...
以錫民臣久荷寵光誤叨眷寄佩竹符於...
嵩呼瞻黼坐於雲天亦同星拱

又

潛陽獨復至日舒長推神策以驗時降年有永得天
正而紀曆卜世其昌恭惟 皇帝陛下道邁古初仁
均普率于帝其訓方歛福以錫民與時皆行自復長
而納初明庭星拱誕舉鴻儀列辟嵩呼茂膺殊祉
又膺郵寄阻奉朝紳宣化海隅幸同於率舞佇觴
座但想於登歌

代賀 道君皇帝表

斷自宸心進陟元后神器有託成功不惑雖...
真秉唯聖不失其正華夷慶抃今古罕聞恭惟
道君陛下運撫昌期心凝至道躬後天之曆數以丕
冒于下民得率土之歡心方永承於景命遠傳元聖
遐適希夷下陋周唐初非盛德之舉遠追堯舜不以
大物自私一德享天蕃釐有繼重明在御垂祐無疆

臣方守郡符阻陪庭列筵崇高蹈神馳汾水之游向日微誠願効華封之祝

代賀天申節表

謳歌歸啓本曆數之在躬壽考祝堯信天人之合契祥開載夙慶決舍生中賀恭惟 皇帝陛下德紹文謨功承武烈穰穰大福旣膺億萬之年翼翼小心自銷九六之會行宅中而居正永躋壽以宜民臣方荷朝恩外將使指遯瞻天仗方馳魏闕之心下酌民言願獻周詩之祝

代進銀狀

前件物祥符瑞牒品列貢書瞻遯堯天虔效奉觴之祝阻陪禹會心馳執玉之朝

又

柔祗出寶彰一人有慶之符方物克庭罄萬國多儀之享藉貢書之列品亞上幣以稱珍川委嘉祥申祝乾坤之壽天臨正宇莫陪玉帛之朝

代謝賜對衣金帶表

齊官出笥躬膺三服之珍漢詔錫金腰適萬釘之麗寵光曲逮衰朽增榮伏念臣頃自布帛浸塵紳組凝

列侍曾微幸國之稱艱棘周旋茂効捐軀之志驟
從外服擢實貳卿分符垂界於江藩隸職愈親於宸
極重忝便蕃之錫曷酬衣被之私此蓋伏遇
皇帝陛下圖回中興揔攬黎獻不丟身章之寵式昭
閭寄之隆恩寔重於解衣未知報稱悖雖深於垂帶
曷副憂勤

代進 哲宗皇帝實錄表

若稽先王昭示來世追述功德蓋賴聖神之繼承蒐
輯見聞具存文武之方冊垂光無極奕世所同恭惟
哲宗皇帝臨朝尊嚴初政淵默內承太母已彰孝治
之風外倚宗臣遂啓升平之運延登衆正賓服四夷
屬邦誣力肆於紛更故國事遂歸於紹述追攷一時
之異議皆非當日之本心仰惟 皇帝陛下撫時多
艱躬德甚盛始初踐祚已明崇慶擁右之功推本承
繼又述先朝孝友之志廼因間燕時御遺編念疑信
之異傳典刑未泯察詆誣之無據邪正自分博延諸
儒採纂前記臣方尸宰事夙被德音初之整齊舊事
之能仰倍褒廣前烈之意至於芟夷猥醜補綴闕遺
雖叨典領之榮名寔藉編摩於多士龍興御曆欣正
論之顯行麟趾卒篇懼前修之難繼

天寧節功德疏

九清垂祐爰開兆聖之辰一德永休永撫出寧之運
人神胥賴夷夏交欣矧冒壽於永宣敢虔伸於頌祝
當渚虹之慶節導葢簡之真祈仰祈不宰之尊必致
無疆之壽伏願 皇帝陛下永作民主克享天心睿
德日新福祿川至推仁溥率躋壽域以康寧儲慈穆
清配道樞而長久

又

月旅辰移節復臨於盈數天旋日轉民久跂於清塵
輒緣愛戴之誠虔致禱祈之懇仰惟大覺洞鑒微衷

伏願 帝祐垂休龍天薦祉旄頭墮地坐知胡運之

窮窮耳齋其即見皇輿之復益崇曆筭永燕宸恩

又

跡環天下雖夙慕於真游恩浹人心自難忘於善祝
暨及言文之日具輸後后之誠仰冀覺慈必從衆欲
伏願 上天眷顧諸佛護持平國成功歸饗九州之
養華封效祝永膺萬壽之期興運有開遺民胥賴

天申節功德疏

執衡司序寔開申命之祥膺錄御圖自享後天之曆
敢資善祝仰叩覺慈少伸螻蟻之誠曷報乾坤之施

伏願 皇帝陛下無疆介壽有截歸仁大輅天旋行
執望賢之轡靈旗星煥亟班涿鹿之師丕冒神州同
躋壽域

謝福州祈雨疏

常暘為災南畝告病民瀕溝壑諒軫佛慈政戾陰陽
寔繇吏責僧伽大士法身常住願力無邊降升人天
運用悲智伏願洞昭精悃深憫疲羸並告山川之靈
大敷雷雨之施一蘇焦稿式副歸依

代請水白馬鱣溪廟疏

靈區時味八庇一方神効祥華茲為災曠茲南畝

適告亢陽用竭蠲誠具嚴法供恭叩九淵之邃就分
一勺之清仰靳顧依即告霑足訖成豐歲永賴神休

謝林郎中啓

學政師門方幸解纜之進剡章天陛忽披薦墨之光
盛德曷酬溢言難稱仰衝知獎但積愧懷伏念某衆
謂迂愚自知凡陋徒以弱歲知慕古人才不逮而志
強空仰聖門之高遠親方強而養闕苟脫名場之險
巖恐為小人而折腰蓋規斗粟以糊口既素志之不
立媿先民其已踈顧流俗孰能知其心惟聖賢必有
處於此頃陪下邑之屬獲事大夫之賢羽翼未成將

仰勤於伏鶻鎮鄒自獻輒敢效於躍金雖祿薄以不
克幸職卑而易稱奉承懈緩已違遺訓送逆差池又
叨庇護俯憐衰拙何敢望於君子之門由行仁明有
以安其不肖之分茲為幸會更被薦論黼黻華章聳
觀衆目前庸庸陋質假重一言愧溢心涯恩超望表茲
蓋伏遇某官德業久大材猷偉明望臨一時學貫千
載久隆眷注方此踐揚念報恩之孰先急援能之為
務超起自棄曾微根柢之先容特達深知蓋出權衡
之公舉惟致身之文學不克堪若飾吏之廉勤或
能自勉其敢不益進所蒙苟不辱於門闈

永煩於陶冶私門修謝愧免俗而未能直道方興
如復古之有漸過此以往未知所裁

賀中書胡舍人啓

伏審光奉制恩典司書命伏惟慶慰伏以元聖御歷
中興撫期方秉武節之嚴受夷亂畧允資文德之助
叶濟艱難惟太微裁於化元而內史贊襄於基命
道王德意咨訓誥之丁寧一國威靈法雷風之鼓動
素推鴻筆果簡清衷恭惟某官邦家典刑八物冠冕
謀三斷國素蘊蓄於經綸騰實蜚聲父周旋於殿座
凜霜臺之風采靡聞背闕以誼譁竦玉斧之威瓊

敢按兵而顧望亟自三長之選進班六押之崇一侍
疑嚴具輪忠讓英華於淳古救駸駸於斯又衆正
既興並增廊廟之重不平可冀頓釋猷畝之憂豈徒
畢協於師言即見進陪於國論某久於宗慕特荷獎
憐試更馳驅厭魚蓋之瑣碎受知感激覺肝膽之輪
困默自揣於衰蹤期永煩於元造未由趨拜徒切鑽
聆

賀福州張參政啓

伏審肅奉制恩出臨侯屏奉冊書而造膝方渴於嘉
猷擁玉節以偃蕃暫煩於舊德凡陳疇居切懽欣

恭惟某官學富經綸望隆諧弼凝嚴列侍素高華國
之文艱棘周旋益勵匪躬之操方聖神之踐運躡俊
乂以奮庸席雋望以九遷人無異論奏膚公於兩社
帝所仰成惟長樂之名藩占全閩之奧壤笑談樽俎
從容雖異於平時襟帶山川鎮撫允資於重望惟國
勢之安危繫輔相而廟謀之本根在朝廷諒膺枚卜
之求即有追封之召某尚貪升斗久辱沉塗識太白
於天津敢論疇昔見茂宏於江左幸託微生自憐冗
瑣之蹤阻拜焚煌之座覩瞻旌條方聯少吏之下陳
仰累陶鎔願借大鈞之餘力歸依之悃敷述奚周

賀程待制知溫州序

伏審甫趨召節亟拜給恩延對西清雖渴嘉猷之告
偃藩東道重違榮養之求諒惟物望之令諸豈獨私
宗之欣屬恭惟某官材高國棟望重耆英踐履純明
凜奉身之一節風猷強濟歷盡瘁之百為越從寄注
之巖出總委輸之寄被恩言於三錫素簡清衷帝峻
望以九遷待周華貫再使親輿之養就分帥閩之符
倅狂寇之鱷鯢出遺民於塗炭果膺號召益見推明
陟降殊庭副及席輟食之歡藩宣外服有擊鮮戲綵
之歡度少愒於名邦即進櫻於密務其門闌下列鄉
鄙晚生鑿柄不謀了無心於經世斗非自役方苟祿
以逮親誤蒙收錄之恩因有攀緣之意陰虬自躍儻
密會於風雲朽木難彫或蒸成於芝菌永言欣懌莫
罄敷宣

謝謝參政啓

澁言曲薦逮筦庫之下陳竊質何堪被鈞陶之餘力
靖惟淺陋曷稱褒揚伏念某早守孤經亟塵未仕一
行作吏久困於抱關三釜逮親愈勞於負米晚晚坐
嗟於急景低回益愧於初心友黨譏訶何異土牛之
留戀天涯流落真成木偶之漂浮念方力學於古人

深耻自同於流俗蹈立身之矩矱非以干時問行道
之權輿付之造物勉從吏役未筭商縉義命所存敢
懷不屑之意會計雖當實有易汙之憂仰藉庇存稍
寬督過冀少稽於歲月求歸即於田園絕希峻又之
游自審竒屯之分何期誤舉驟激濡衷而况抱槩石
渠羽儀上國橫經文席領袖諸儒永惟盛德之所加
終懼溢言之難副此蓋伏遇某官斯民先覺吾道主
盟綜九學之淵源作三朝之心膺入陪國論濟川瀆
而得舟航出布藩條醜江一器灌尋天授揚群彥翊
贊中興俯瞻衰遲特垂獎示以敢不遵尋舊學勉企

前修登李膺之門既塵品目游薛公之閣其兼奉
儻坯冶之無遺或棄補之可冀過此以往未知所載
賀謝參政除萬壽侍讀啓

伏審介圭入覲前席延登西學貪賢方渴謀猷之告
殊庭庇職聿彰體貌之隆明命誕敷輿情胥慶伏以
事師古而有獲傳說稽首以復王義勝欲而必昌太
公奉書而端冕惟君正而國定蓋源激則流清仰陪
資訪之勤允屬典刑之克緝熙聖學纂前哲之永圖
眷倚宗臣修本朝之故事恭惟某官學臻聖奧望冠
耆英經國高文遠追大訓亮天賢業簡在淵秉道德

被於布帛既廣成均之化精忠貫於金石又高社稷之功亟協師虞進聞大政謀王斷國士多誦於格言尊主庇民世已蒙於高澤方當陽之備重遽請外以均勞詔甫趨於暑行恩復延於晝接西清入侍聳觀列辟之儀刑東閣荐開行正台階之符采其久於宗慕特荷眷知聞道師門常預解顏之進飛章天陛誤沾薦墨之餘竊自附於下風期永依於元造閱卑樓於莞庫已藉褒揚棧滯迹於泥塗尚繫簡記依歸之素敷述奚周

上綦翰林啓

卑樓冗屑絕政崇高久掃迹於英躔粗安愚守竊馳心於德宇貪附下風雖稽履舄之瞻尤結藩牆之想恭惟論思密勿陪侍穆清躬令德以考祥固靈襟而擁福伏惟某官當世師表斯文典刑忠精自結於主知風采聳聞於輿誦豫扶衰之大義奮經世之遠猷陞四禁之華典冊造於大訓陟貳卿之峻德名冠於中臺力祈勞逸之均暫佩藩宣之寄蕭生補外甫慰遠民陸贄居中久懸睿想亟膺號召入副詳延忘前席之勤日親帷幄被解衣之寵望絕臣鄰惟文章關世道之盛衰而詔令宣朝廷之德意反醇醲於慶曆

益知皇運之隆體深切於正元彌識人心之固側聽
吉辰之獻遂符獨對之言式厭具瞻豈唯孤願伏念
某陟道殊淺賦材疎卑強顏升斗之營悵流光其將
晚冥心尺寸之進信適俗而已踈顧方縻冗役之勞
何敢後同年之契寅緣過聽簡記衰蹤仰惟鑒裁名
教之宗方以長育人材為樂曾未遑於擁篲輒妄意
於攀鱗拳曲無庸將前求於隳括悍堅不棄冀仰累
於坯鎔永惟宗慕之深尤劇歸依之素願言玆畱前
對寵光

謝館職啓

并嘉明命叨給札於禁林試可中宸驟策名於藏室
巖冥煩之冗役剗清切之英游祗荷甄收良深震愧
竊以上聖御曆中興撫期方秉武節之嚴莫爽僭亂
允資文德之助叶濟艱難纂逸典以宣猷闢英躔而
儲止庶幾封殖以俟選掄惟先王大訓之所藏縻歷
世彌文之盛在圖書篋積黃墨紛綸本原四目之神
靈幸稽於詁訓儲正六書之變革精覈於聲形冀因
點勘之勤益廣見聞之富向非多識天祿之奇字深
探酉陽之秘文搜薤葉於名山釘金根於柱牒則何
以刊收四庫綜產九流如某者名實不揚人門俱下

抱孤經而干澤聖成名場達三尺以在公重康吏投
皇皇從食井井趨塵僅成徒以不塞非庸庸耕而
何憾值漢池之方殿伏銜聖以爲行臺業商
瀨海爲親而喜忘冗瑣之卑接接上何借固崇高之
絕跋已分甘於遠屏誤垂簡於旁郡貝齒長飢空羨
公車之粟塵蹤易隔阻趨宣室之廉姑自信於竒屯
方日須於罷遣將改轅於下澤遂掃軌於修門俄被
恩言俾程薄技追暖姝之舊學取笑大方緝翫散之
蕪辭深慚少作寧酬發策甫就著篇大手旁觀駭群
公之堵立皇明俯燭備清燕之衡程仰惟 聖學之

高明內省寡聞不憤越敢期睿獎加錫俞音追飛群
玉之峯獲存於衆彥討譯曲奎於書博攷於前言望
不素然恩誠有自此蓋伏遇某官材高經濟望重弼
諧推至公之心整領人物收群策之助圖回事功施
及妄庸濫塵棟拔咸池在御不遺曹鄣之詩華衮所
乘遂畧春秋之責某敢不益堅難進之節盡讀先見
之書潛心聖門尚友先哲辨魯魚之謬何足報於生
成澤霧豹之文尚少勤於長育過此以往未知所裁
代魏侍御謝提刑啓

承流千里方竊於誤恩託庇二天更塵於華薦辱言

已重引分非宜伏念某受材迂疎遭世休顯幸逢
之下列昔何補於涓埃得支君之左符今已勉於有
力民有豐登之樂心無撫字之勞苟幸庇存敢新褒
薦温言曲被實踰黼黻之華陋質何堪但增管蒞之
重此蓋伏遇某官立中道以待物慕上臣以事君方
榮路之峻躋眷衰蹠而俯錄顧竭其智力雖無以儒
飾吏之材然老於詩書粗有學道愛人之志稍寬訶
詰加惠初終儻無愧於成言其敢忘於厚德過此以
往未知所裁

代陳參政上書

伏審上流作屏方賴於折衝當宁念功亟聞於遷秩
下辭屢却成命莫回未遑慶牘之修先拜温言之寵
恭惟某官德業久大謀謨忠嘉方初政之清明首陪
輿運既遠民之安集允藉壯猷已紓西顧之憂彌重
仰成之體餘威所愴式訛姦究之心序爵更崇益注
聖神之意而乃久持謙柄愈厲高風豈惟務式於一
時固已紹隆於前哲某方嬰重責竊企下風股肱惟
人大懼天工之曠京師蒙福尚沾河潤之餘感佩之
悰敷宣罔况

謝宮觀啓

食而聽事久勤履露之私噴有煩言重荷陶鑒之賜
得郡自試家恩不貲乃猶滯懇而有言至獲奉詞而
自屏捫心知幸銜施不忘伏念某卷曲之材分甘指
棄耳嘉之會理難覲觀志氣凋零但結然於素命神
明憤耗既蕭颯於顛毛偶給札於玉堂遽飛輿於蓬
渚叨塵郎選託備史官自抵譴訶卒類調護於其弊
走之舊假以息偃之安鸞游繞之多方蒙製冠履立
支離之臂獨勉受功然方當守焦思而憂勞衆賢致
身以馳騫積糜廩稍苟追馳驅既承負於食功復何
殊於罔利而縮足事覽精銳之坐銷懷安貶三顧

後而自歎素珍之剝流汗以慙此蓋伏遇某官功高
臣德煥元哲謀合天意方宣嚴難之威身為國基
真佩扶衰之寄整頓人物叶圖事功將躋四海於丕
千猶軫一夫之不獲有如庸庸亦託下風將絕企於
修門未知報稱尚激昂於末難不至情始

問候張丞相啓

去遠門牆積有歲月託身樂壘分苦窳之無庸遠跡
泥塗固高明之絕政欲布瞻依之懷懼干憲漬之誅
方竊伏於溲瀆敢徹聲於從史恭惟甄辨論道均逸
撫封翁受至和具膺多祉快以其官道裏天則身為

國基富勳中則多士豫而功日起假錢居外則
大敵震動而人不憂方廟筭之少勞尚天誅之未
決即承書接無憚暑行下副具瞻仰寬焦思某久深
宗慕昔荷獎收誤蒙方底之書俾趨交戟之陛甫正
中都之秩荐陪歲室之游而憤眊寡聞樸愚自信思
全羅之戒每治儼而厚顏一頡出之奇但推藏而卒
歲莫知報効自抵譴訶職之負薪之憂猶曠沒階之
禮曆日其吉趨風匪遙班之礪之篇行見進揚於林
命賦衰寒之什尚無使至以他人

謝人書啓

海市征商偶繼西溪之岫士車稅鞅幸瞻東魯之風
更辱高文以為先贊集同華來既假寵於衰蹤報乏
南金徒深銘於厚意

謝人詩啓

久厭斗升欲棄枵而浮海幸瞻冠履殆忘肉以聞韶
更塵黼黻之文坐增管蒯之重念雜佩相酬之未暇
徒有報章雖賦詩見屬之過宜敢忘拜賜

定婚啓為甥丘肖

竊伏閭閻久心傾於德義幸同土壤敢自附於婚姻
伏承某人婉婉多儀柔嘉有則某兄孫某藐是弱質

摘知義方惟節春秋莫快相其饋祀肆求伉儷使撫
有其室家茲拜成言賜之內主既襲祥於吉卜用委
幣於高閼軒冕照人雖大族非吾偶也蘋藻有奉扣
先君實寵嘉之

常齋集卷之十一

常齋集卷之十二

新安朱松喬年

行狀 墓誌銘 祭文

先君行狀

公諱森字良材姓朱氏世家歙州之黃墩七世祖天
祐中以陶雅之命總率三千戍婺源邑屋賴以安因
家焉曾祖甫祖振父恂皆不仕公少務學科舉既廢
不復事進取既冠而孤他日歲時子姓為壽舉先訓
戒飭諸子諄諄以忠孝和友為本且曰吾家業儒積
德五世後當有顯者當勉勵謹飭以無墜先世之業

已而嗚咽流涕以奉養日短為終身之憂宵中冲澹
視世之榮利泊然若不足以干其心者家人生產未
嘗掛齒子松遊鄉校時時少得失無所欣戚家既素
單久而益急或勸事生業曰外物浮雲爾無庸有為
也使子賢雖不榮於我足不然適重為後日驕縱之
資爾獨見松從賢師友遊則喜見言色其篤於道義
而鄙外浮榮蓋天資云晚讀內典深解義諦時時為
歌詩恍然有超世之志與人交無賢否皆得其權心
然曾中白黑了然人莫能名其為通與介也以年月
日卒於建州政和之官舍享年若干娶程氏三男松
舉進士迪幼即初制政和也次檉次樺二女未適人
將以其年八月日寓葬于政和護國院之側謹狀

楊德道墓誌銘

公姓楊氏諱迪字導道南劍州將樂人今徽猷閣待
制提點西京嵩山崇福宮某之長子也曾祖某不仕
祖某累贈朝議大夫公為髫髻已能力學指物即賦
凜然如成人既冠益貫穿古今孝友和易中外無間
言平居無喜愠色至急人乏困而樂其為善則矯然
敢為必極其意而後已與人辨論綱振條析發微詣
極冰解的破聞者歛衽退而察其私言若不能出諸

口故無賢不肖愛敬之蓋度不身踐不苟言也里有
貨訟不決者連年公一言而兩家為之平其誠信於
人如此崇寧三年侍徽猷官荆南歸展先塋八月甲
子次于邵武之傳舍以疾卒年若干初熙寧中河南
二程先生紹絕學於孟氏不傳之餘四方學者顧俗
學而自悼遊其門者惟恐後獨徽猷與二三公號入
室公方遊太學聲出等夷一旦棄不顧抱經遊于伊
川之門以邈然少年周旋群公之間同門之士咸斂
手以推先伊川少然可雅器許公公於易春秋尤為
精請嘗曰人之學無學猶飢渴之於飲食苟不知

其方則常患乎異端之溺人人孰不知此而卒蹈之
如習俗昏之也又嘗謂世論莊周怪誕喜訛聖人此
止自淺陋何足以議周也大要周於聖人之道畧見
角遽欲廣已造大而不能自持至分遊方之內外
為二豈知夫聖人精義入神者乃所以致用利用
其身者乃所以崇德乎凡著其所得及商畧古今為
文數百篇今有十一二藏于家二程先生既沒天下
師尊其道者推楊氏謂徽猷公龜山先生不敢名而
公負超詣絕人之資克世其學雖世之望公也則亦
然乃不幸而蚤世豈非命也耶公沒孤尚幼後若干

年始克葬公于某州某縣某鄉某山之原娶葉氏朝
議大夫致仕祖武之女配公無遺德以喪母致疾先
公三年卒子男三人雲舉進士二早夭雲與予相好
學業志操能世其家者以舅氏撫州司馬曹事僖年
之狀來請銘予不及識公自來閩中多從龜山門下
士游間論近世學者至公皆曰吾不及也謹為之銘
銘曰斯文盛衰天實命之有嗜其徑異端乘之道堙
不治以與聖遠有志於得俗學悟之以見自私乖戾
吳施孰為毅然莫乘莫悟天蓋祐之使與斯文屹屹
山淵源一各如星之斗以表後學公為之奇妙質

成成目濡心溥食息訓經不躡不陵師訓是程軌道
以趨不畔墨繩行滿鄉黨世孰知之遺文蔚然不可
瑕疵胡不百年以究其業齋志莫陳方壯而折天其
或者尚相公予我銘幽竈以告來世

承務郎致仕卓公墓誌銘

去建陽而南十里泉竹深靜岸谿而廬者有宋隱君
子承務郎致仕卓公之所築也公既孤置家事不問
奉母夫人居焉養葬盡禮不跡城邑者三十年某視
公季子特立為同年兄幸獲升堂拜公退而語世之
士大夫以謂古之常德君子俯仰不忤者如公蓋望

其表而知之宣和五年夏六月過門則公以四月乙未捐館舍矣入哭公柩而退慰其孤且稱遺命將以九月十日襄曆于洞源之塋屬予銘之予視諸孤菑然不勝哀不忍以荒拙僻謹按卓氏本福唐今為建州建陽人者自公七世祖徙也曾祖某祖某考某皆不仕公諱某自元舉少力學無不通已而語人曰吾家子其可以腰膺不共為親憂去治俯仰之養友誨二弟經紀其孤無可憾皇考孺疾有異僧過門察公憂甚授丹篆符詰朝失僧所在自是尊信內典晚益精詣訓釋其書發明為多既丁皇考憂不御葷酒終

制燕居寢食有常蕭然一室晏如也心平氣和不以面短人然無賢不肖尊畏之鄉黨至無訟云季子學問浸有聞時時小得失若弗聞者至試不利禮部如手書古人詩開勉之平生折券不勝計繼室魏氏之亡公方主家事窶不能斂猶有誣其自私者未幾誣者嘔血疾首陪死于庭識者異之嘗有巨商告公有家難將亟歸從者偶語有見圖意以精金一篋寄公去不索劑約踰年復來出篋示之封識宛然先是營壽藏一日遣人芟闢其道頃之得疾謝醫祝書四句偈示請于超然非世間語也時季子以迪功郎為越

之山陰丞飭書別之已乃生逝蓋公所建立非易以
死生動而況於義利之際然猶不及於疑且謗真為
善之難哉生平忠信勤約務更以身先子孫故諸子
暨孫皆兢兢佩先訓端飭自立而其季遂以學行卓
然為聞人其奉身信道有無愧古人者非特見公訓
子之方厚施而必報深蓄而徐發其在茲耶公享年
若干重和改元霈然以年及格而子藉吏部得今官
初娶張氏男五人其四曰某某某女二人長適王亮
次適王舜孫皆舉進士孫男女合十人公猶子宣教
郎知南康縣雄實狀公行某視公丈人行也顧文字
之不能工何以震耀潛德而燕賢子之心謹誌而銘
之曰以媮自愚世顧曰智我求有常久不克值有隱
卓公抱一陸沉德義為佩而闕其音居然環堵鄉鄰
是劾不貴以驕曰公師保夜旦死生泊無戚欣相彼
儻來何直浮雲匪躬之羸肆惠于後以學發身公實
有子洞源之樊公柩所宅有來承休質此幽刻

謁廟文

涖官云始蠲日告虔祗板靈祠恭陳薄薦仰蘄聰直
昭鑒潔誠冀我寵綏汜無災害

代福州禱雨諸祠文

七閩之農鑿山隄海以爲田雨暘之節小失其常則
有旱沴之憂今茲春夏以來陽亢而雨愷高者源泉
涸枯而不可耕下者又爲海鹵之所浸蝕溝壑在前
民今其慄慄敢佈腹心于我明神惟神秩于明庭廟
食茲土斯民歲時奔走饋祀世世而無敢怠者凡以
神能佐佑陰陽易凶爲豐以免於饑饉流殍之故也
惟神奮張威靈誕布甘澤以答斯民之望吏亦預受
其賜

又

春秋書不雨傳曰書不雨閔雨也嗟乎爲今之吏雖

未能無愧於民以于陰陽之沴而豈敢忘閔雨之意
哉屬者雨暘暘暘之沴土三農告病懼不免於溝
壑是用齋戒精潔以瀝懇控告於我有神惟神孚
佑一方克享饋祀而斯民搏手之急密會山川之
靈誕敷雷雨之澤庶幾今秋猶得中熟民旣得以餘
力奉公上之征賦畏民之吏受職之神皆無愧於斯
人者歲時潔醴豐牲以承事神世世其有斃乎

代謁先聖祝文

某聞先王所以治天下國家之道無不在於學而生
民以來未有如夫子者某肅將使指惣計閔部服官

之初齋被進見於學悉延諸生與之瞻望跪起于素王之庭豈獨昭示斯民與其蒙被道德之澤之意抑今于及甫息公私困竭蓋將詢事選言求庶幾於君民兩足之訓仰止墻仞其敢不虔

代謁諸廟文

惟神受職明庭實司民命宇祐此土以無災害茲摠委翰奉將使指涖司云始敢薦微誠

告贈官文

某罪逆不天未及伸區區烏鳥之養而奄罹酷罰大志未報永懷身之愛一人乃... 惟製恭承餘訓

備官于朝乃紹興七年歲在丁巳天子有事于明堂祗見天地以祖宗... 故天下追崇百執事有列位于外朝之親而某方僻數館閣於是贈先考承事郎先妣太孺人今既三年矣方繫官于茲若朝夕未以... 敗即罪而得去朝廷當躬持封冢詔書及命服以告于壟下南望楸梓長號兩泣謹因... 之政和以告

焚黃文

紹興七年天子有事于明堂天地報况祉福盈衍遂推慈大夫士之有列位于朝者而及其親非獨... 壽

治之風亦所以慰人子欲報罔極之意其於是時雖
未有朝位而備數館閣有司案故事以考妣承事郎
孺人之命告于第某不肖不肖以荷先訓蒙被封豕
之寵而文官行朝又不即奔告以無失時迺淹留至
于今慙懼感咽不知所言恭維 神靈不昧尚膺
天子丕顯休命

祭丘君文

猗嗟丘公市隱之倫紛纒金而爭先炯懷璧以自珍
超獨懷於德義外不亂其光塵樂怡怡兮自適坦蕩
揚芳無缺承家之子為 以資身吾來閩歲

八月悵識公其何因惟先君之仲女婦子舍而通姻
方言還而在道匪觀幣而未陳忽奉訃以來告奄捐
俗而返真嗟乎天之不淑胡獨折此善人念此徃哭
其何及為喪心而廢食傾聞公之晚歲頗玩志於竺
文了一世之泡幻盱生死如夕晨曾其躬之不羸天
以燕其後昆方世胄之有奕矧先德之未泯嗟惟公
復何憾悼生者之號寃馳斯文以侑奠庶冥漠之或
聞

代鄭德與祭龜山先生文

道喪千載聖遠言堙矧曰國家莫善其身三川之郊

篤生至人公甫筮仕摠衣其門聖有遺訓俗學所靈
手摩層雲日星昭回六十餘年學者有師斯文所寄
天亦著之靖康初元天子側席擢從史氏來長諫列
國勢危安廷議中式有懷必獻曰此子責帝王在淮
海始初清明日御詩書渴見老成白髮蒼顏歸侍通
英如周武王冊書是承得謝言旋田里燕息有言有
行四海是式謂當期願難老永錫執覬乞言福我王
國云何一卧遽告易簣邦人涕洟朝野大息嗟哉冥
頑多難所嬰避影趨風久愧未能越自世父執經師
庭德義之契施及晚生惟先君子謀謨密勿以高之

年幼嘗聞公甫如金石是以無
極誠德之賜也如金石是以無
先夫不如金石是以無

祭鄭龍文

我尉尤溪少未出道不安厥官跌宕物表維賢宰君
不我遐棄無言於去歿之藥之比稍有聞追悔何及
見容則多所感神德九仙之列俯仰六年公官龍巖
手書見存知我德功日困斯寧督以赴銓舊家來寓
來官公鄉日訪代期阻闊十舍跂予望之重九之書
粲然累紙既壽涉旬與訃俱至嗚呼哀哉公與人交

通介之間外同光塵湮消了然達於民政心為衡石
清畏人知不求赫赫勝日婆娑萬事一尊考評書詩
有流有源展笑言人宜壽宜貴豈期微痾一卧遂蛻
位高疾顛基薄崇墉播惡遺臭形渥而凶公齋令名
全歸墮下位雖不克不克無憾樂樂諸孤甫以喪歸
身有吏責往弔不時德義之隆追懷永慨孰知予悲
寄此一醉

王淵集卷之二十一

王淵集

新安朱棹逢年撰

次韻梅花

陰除雪意雲垂地曳策微行傍清泚眼明橫路出江
梅烟飄渺寒迷表裏當年一夢山月明依約瑤臺見
仙子俗緣掣肘意未了弄出飛瓊亂紛委摩娑銅狄
豈須話滄海揚塵固其理花神縱步來闌苑羞怕唐
昌偷玉蕊回風自作粧半面泣露真成愁齟齬相看
一笑豈易得分與天香更清美那知脫屣塵寰去頃
刻蓬萊三萬里黃昏誰伴醉鄉歸天色無情淡如洗

次韻寄求道人

天工憤憤春無力桃李攀心少顏色夢中矯首望三
山我是東南未歸客岩壑交游人姓支相思江月半
成規遙知草木代說法豈是盡餅隨兒嬉此身分不
過朝市何日相從拂衣袂豈容陶令載白蓮會作鄭
虔書落柿

二詩寄德粲并簡內觀諸友

春風本自掣肘去那更病留過一旬滿眼山川雖不
改連天飛李已成塵銀河誰與洗兵馬寶唾女能泣
鬼神在望故人分書此無事夜月在綸巾

九淵海上二三子見說年來事事新隔水不容招手
曲空已有畫眉人醪醑香好急攜酒過鷓聲繁催
君笑我江南未歸客飄然天地一閑身

寄人

牛鳴地兩禪林霧雨初晴翠靄深熟路緣溪穿窈
竇疎鐘喚客出區嶽未求黃卷成功處且辦青山避
世心悵望不來還獨返秋風聊作暮雲吟

十月上休日示求道人

老禪獨卧千岩表枯木寒雲伴此身只倚藜根作詩
本肯分秋色與騷人心源落落故難合筆勢翩翩想

絕倫記取濠梁斷金語三山好處要傳真

因蹈元看竹了軒因用去年方字韻作此

淇澳渭川那復夢而今天遣出南方要觀大節須霜
雪莫說此君無肺腸照水形容殊不惡臨風言語一
何長山僧豈識留連意千里故人逢異鄉

和德粹三絕

平生樂事在三餘不管梧陰過玉除絕尾忽參縶
句風塵今日正愁予

心賞南樓一味涼波光山影上藜牀莫言體國非吾
事好夢不能千里長

未坐他年百尺樓浮雲身上且悠悠眼高四海騎鯨
客不見長安亦解愁

三山次潘靜之升書記韻

客路那知歲月長掀眉一笑苾芻房且傾徐邈聖賢
酒不問陳登上下牀雲影翻空迷海嶠秋聲隨夢到
江鄉明朝各聽船窓雨猶憶枯棊戰四郎

邈書寄出與李知哲唱和詩次韻

邂逅招提頓客輶十年塵土且休休三人月下從渠
便二老風流到我不南北只今無好語山川如許更
悲秋故應贖作鐙金句莫羨群兒萬戶侯

老兵種菊以詩謝之

疏畦雨徑菜熟時杖種隣塲菊兩枝九日無人過未
放十分舉酒酌王尼花栽與玉秋風健香近龍涎曉
夢知負口不應還負眼長鏡煩尔鎮相隨

鄭德予同遊桃花山次韻

江村卜築路斜斜模寫癡仙四壁家聞道讀書忘肉
味不緣避世宿桃花青山自作千年調白眼空驚一
望賒欲買雞豚投近社烟蓑雨笠寄生涯
春紅萬樹抱山斜落落真源自一家雲起坐中疑有
雨酒行杯面恐飛花塵緣未斷心雖勝他日重來約

尚除里情端別記遺事武陵今不在天涯

九日與客訪觀然有廬山之興

九日黃花笑白頭分將半落付林丘半川曠色聊償
夢別瀆秋聲羨寄愁江國經年成浪蕩匡廬入手是
真休未能是須登陟眺視元龍百尺樓

草堂諸陳曰遊崧山精舍是仲携琴先歸用

登間韻

未得秋風十日閑筆端久已識波瀾煩君一醉雙叉風
月之虛見曹白眼看
破夢妙語慰時人鶴綠深衣雨墊巾獨自抱琴山下

去石橋月色為誰新

三山次鄭德予韻

三山微明雨脚疎誰將雲夢賦相如西南山好君知
不一見全勝讀異書

何日歸舟片葉輕白鷗相伴雁微鳴只應潮打蓬窗
處已作離騷一半清

次韻梅花兩絕句

一月尤溪烟雨濃玉梅渾作玉人逢江南他日摘香
屐莫忘雲間雙髻峯

清溪夢環遶故牆一身將影理殘妝西苑俗處無人

見冷落吳宮溪水香

徐彥猷以仇池詩句為韻作詩十四章見示

答之

徐侯筆下波濤寬新詩示我清且閑誰能辛苦學飯
顆格轍已到元和間春寒十日不出戶坐想江柳分
烟鬢東坡老仙有奇句析韻琢句光爛斑疾雷一洗
牛蟻鬧羯鼓畧驚桃李頑周郎知音亦已久仲車着
語誰當刪大韶六鈞古稱重汝自力弱無由彎胡為
坎坎事噍點今古可笑兒童孱鄉關春物入意匠水
光花氣相回環莫嫌衆口亂如沸當見三耳生其顏

嗟吾和詩雖已晚識君妙意存高山告君詩妙須飲
酒社甕一醉寧當慳彦猷戒酒常云人言吾詩好即飲酒

寓居南軒

雲氣披猖月意孤冬青倒影上癡隅燈橫老齋峨方
去書掩新芸蠹已無一世盡知關魯酒十年不擬歎
齊竿支願坐覺疎星沒獨扣龍頭瀉酪奴

答戲昭文梅花

臘到方留此日寒雨多未覺過雲殘共驚臺柳葱蔥
去獨抱園花細細看洗而不勞千點雪薰衣剩破一
分檀詩人窮苦誰料理只倚東風酒量寬

乙丑臘月十七日立春

目數今年臘天鏡半月春酒船欺白首桃壓笑青唇
避地疎同隊一作逢人試問津傷心穿豺虎未肯盡

奔秦南山收宿雨甲一希新

延平道中

一溪春漲午晴初日透波光綠浸裾却憶孤山山下
路石橋清澈看叉魚

雲間三十六峯高北望思歸夢亦勞來客雙峯莫相
笑少低吾眼為兒曹

舟次龜湖阻水因由董山

山雨踈踈心又驚
起時天色斗微明
他年一枕江關夢
知憶蓬窻此夜聲

一川黃濁寫崑崙
嶮嶮苦恨南溪不盡吞
三老亦知行意遠
時時掃竹記沙痕

拂拂朝霞到客舟
苦疑雨意在鳴鳩
好峯天半元相識
且作僧牀挾策游

夢好山晴曉不知
船邊今日見鬚眉
向來快寫崑崙也
元有薰風綠盡時

向年舟自三山上
延平和人韻兩絕

兼江一月困腸
醉夢無人與喚醒
欲識故交金石

處相逢詩裏眼猶青

春風一夢收
龍本雙燕不知愁
絕時卧向蓬窻飽聽
雨無人識此是新詩

元英折惠袖花

白玉繁花五葉芳
春風吹盡洞庭霜
河西道眼分明處
識破此中知見香

乙丑除夜寓永興寄五二姪一首

殘臘避新正
疾馳不可輕
梅花相行色
更以風雨送
傷哉綠林豪
支派出章貢
荐食今幾年
金帛既充棟
王旅走山澤
魄散失飢凍
空聞米粟廉
不救干戈痛

冥冥紙錢底千室
書生口擊賊自愧
脫嘲弄經營華陽
馬想像丹穴鳳
融融聲教中焉得
餘此衆由基執弧
矢懸鼠何足中
浮烟起南舍春事
行恹恹桃寒強破
蒞鳥靜獨成哢
詩情寫物色心匠
與折衷菴草簡阿
戎溪頭試微諷

僕自以四月十四日自延平歸所寓之南軒

積雨陰濕體中不佳二十五日夜夢至一處

流水被道色清絕若有欄檻而無屋宇有筆

硯皆浸水中予驚問何地旁有應者曰此玉

瀾堂也夢中欲取水中筆作詩詩未成而

覺意緒蕭爽殆不類人世雞已一再鳴矣

賦此

濛濛飛夢過雲鄉物色清輝眼界長
關關未絕金馬

士蓬萊先立玉瀾堂
千尋濯足衣裘冷
六字哦詩筆

硯香當與瑤池作
同社紅巾青鳥兩相忘

贈周功崇

閩嶺浮沈二十年
歸心日夜夢江天
謾題甲乙頌君

看若說功名只自憐
造物小兒知薄相
箇中老子已

忘筌一節聞作東南去
豈欲求人左海邊

悼鄭彥繼書墓亭

蒼梧翠栢泣西風
尺冢巍然宿草中
寶劍何心求李
子隻雞今日過橋公
麟經有味人誰識
鶴陣論功氣自雄
欲拂蒼厓寫竒節
陳琳檄手語言工

竹醉日懷故山

一室真容膝爾作不何人客子猷
土灣迎竹醉雲淨
對山羞無地青歸幌
他年翠繞樓且從隣寺去
烟雨一作看沙鷗

繁暑

繁暑不可度病餘少見招
招鄰借軒卧信手得書鏡
壽我藥雙笈驚人詩一瓢
醒心憑雲鷲只恐日黃昏

大食滌

瀛質謝六巧雁輪出鬼謀
入空今開伯隨舶雲陽侯
獨鳥藏身穩雙虹繞腹流
可克王會賦漆簡寫成周

春寒

人道春寒早繫舟
楚山一夜雨濼濼此生削跡江邊
路嫩綠紛紅只自愁

夏夜極涼

素簡又辨夜清風先戒秋
稻深群蛤吠草暗一螢流
吾在殊無計心空尚有求
按圖尋分野楚尾見吾州

六月二十日

二十一日立秋

天涯明月見秋風錯莫誰驚碧樹空豈意楚山招隱
處盡歸蜀客廣驛中釣魚聊尔針方直乞米茫然帖
自工獨卧南軒聽南澗蠻花猶作杜鵑紅

尤溪縣之南李花千樹無一雜木春時嘗飲
其中酒家小軒可愛不知何故不曾作詩追

賦二首明年修故事當書之壁間

橋外茅茨好相過問酒錢李花今若此白髮自茫然
落日雲千步春風雪一川明朝記來處石澗響濺濺

又

見境卜年久無人喚我來直如春力快故遣客懷開

玉立花千樹沒翻酒一盃江陵二月尾襟韻信難陪

春間小詩書趙園遺錄之

柳花隨時秀花客近酒輕細聽東洛語蓋抹半鶯聲

又

語不知夕盡香無盡時影寒人欲醉明月照餘醪

又

自得春風信爾懷待此花餘寒固艱練今夕雪斜斜

又

夜月闌林漫春風楚製輕故鄉空費夢來此聽谿聲

夜坐池上用簡齋韻

落日解衣無一事移牀臨水已三回
半沈此嶺魚方樂月過秋河馬不來
踈翠庭前供答話淺紅木末勸持盃
明明獨對蒼華影莫上雞陽萬死臺

平津

西風扶病上江樓老眼淒迷一畫秋
曉影長雲追鴈角聲吹月舞潛蚪
栽培白業初無蕪點檢青山始欲愁
北海此中纜咫尺何年烟雨解扁舟

九日與數客登善福院之絕頂晚飲茗飲閣
予以病先歸賦十二韻

風日清佳帶一川秋意休臨高
分石鏡却立數煙村

楚製隨雲物蠻花照酒痕
龍山曉未久藍水想空存
鴻鴈頻收唳萊蕪幾斷魂
拍肩尋熟路登閣換餘樽
鐘梵規繩閣親朋笑語溫
加籩携海嶠聞笛憶鄉園
夢記南柯守兵看左角
奔詩凡羞哥宋髮短任乾坤
汝輩禪心起今生道眼渾
不知東嶂外灑灑湧金盆

秋日

鳴鷓初歇樹猶陰黃菊紅榴色轉深
管領秋風有今日留仙群稱辟寒金

簾弄天風髮彩涼西河一笑問吳剛
借君玉斧煇輕手留取箇中秋影香

山靜溪回樹綠晴鷺群點點雪分明影沉寒水初無
意只是魚兒獨自驚

葵道人之三山

君家雙峯下祝髮事香火豈無遠游志因此萬山粟
坐閱腰包中未接話已墮翩然問知津九仙入風柁
冥冥荔枝浦華屋紛破破邂逅儻逢渠周旋寧作我
閉門造車語雖陋佛所可他年笑相視此計無乃左

次嶺上壁間韻

雲臥雙峯祇對亭黃塵縈拂玉梅驚春風一棹歸來
早誰作空閒擁鼻聲

春風

一舉遺物手萬生和乘中酒邊辨雪意詩裏盡春風
了了無孤處涓涓我即空試詢三世事猶有讀書功

新山道中六言寄湯舉道人

新山有路可上他日雲霞萬家用處何曾剩石一碑
指覆天邊

雲霞萬家用處何曾剩石一碑
指覆天邊

牛山黃茅岡底鷺紅葉村邊可是太平無處漢橋

耕舞華顏

玉簫無意相惱人
雨珠珠擬寫箇
不似西湖

草鞋處處驚響
行閃光只麼時時
難辨青黃可須

說有女名靈燕
何好自作維摩
要見諸天謝供
風月山河

寄龔十三

支願獨橫北窓
風怪草花空
晚山川澤澤
數塵中花飄茵
席二生學軍入
池塘一
可工想見楚
楚懷我靈扁舟
邀心夕陽紅

穀雨

大燕紛紛林際
虛簷寫夢中
明朝知穀雨
無策禁花風
石泊收機巧
烟葉建事功
越禽牢閉口
吾道寄天公

璠叟書云牡丹
醉醺已盡胡不歸

客次驚衰白
歸期先牡丹
空枝蕪病力
啼鳥問愁端
平日長相憶
東風忍不看
冰容亦零落
唯是有春寒

姚大本以李義山詩韻作詩題息軒繼作

隱几心疑水
携盃影照山
六窓開畔岸
一榻掃中間
相予方饒舌
花枝忽解顏
定餘牛自牧
夢起蝶相關
閭闔初無路
蓬萊別有班
歲舟知夜失
面壁竟西還

矣矣從他笑公乎伴我閑
體坤詩更好分寸許躋攀
書報國壁向年寓學於此
嘗見虹下飲溪中
復聞子規

昔與春風來此時携書齷齷
伴兒嬉山晴欄楮投雌
霓身病林巒號子規短髮
蕭蕭吹易盡長江滾滾去
何之欲追舊事無言說更
作三生石上期

蓋竹與陳和仲昆季

玉樹成群不可攀謾將年
落待蒼山五年分手河梁
外一夕連牀風雨間梅
蕊凌寒春欲動酒杯無力
病
相關朱陳自古同鄉社更
約青雲作往還

寄夢聲

流無處安只今且作夢中
意豈須遊戲兩端
微茫一蟬九老境懷人
一窗轉春風着物髮
然第愁似與詩增氣嚼雪
應冰字字寒

辛酉五月望簡陳和

出雪峯一千峯挽回廬自
三十年赤烏白馬吐傑
黃花翠竹通幽禪竺師不
假報文度變盡本自知
彌天可憐烏石嶺下路榕
葉炯炯疑雲烟

用東坡武昌寒溪韻三篇

同場

漫郎古邑埋蒿萊五柳合
抱河人飛落溪來作天寶

頌爽氣已壓南昌梅蘇公鄧公先鞭到一時玉立高
崑崙扁舟載酒凌江水千山軟翠香樓臺淫尊枉飲
追太古雲荒石老無紛埃歸來玉看念赤壁側身西
望銀濤堆英辭傑句相震發尚記野鳥窺空壘只今
如數未百載蟲篆想見留巖隈中原臙淫雜夷夏淮
北城壘生莓苔公平天與濟世具曷不引梟鸞開
空遺筆力配元祐頓覺紙上千軍摧禁中願教知在
卽號令前日頒風雷片青元向大羽出如蟬要自甃
整來數公文字雖勝絲莫使變作離騷哀
東坡謫官木攸回桃花不繫玄都栽我亦愛觸造物

予五見江雨肥江梅扁舟一笑凌浩渺瘦筇結伴登

佳遊此詩尊故事遠深安烏篆真迹追活臺次山有活

未深沉長有北湖夢邂逅果跡東華埃玉堂夜直對

同舍金燭照座花成堆亦簾雨露澆舌本忽憶樊口

傾山壘聯詩共刻醉眠燈燈以至今寶氣蟠巖隈關西天

子獨好事後垣行卽吟名苔斯文突過元祐上已覺

萬文光芒開臨風弔客感赤壁公瑾孟德俱巖壘英

雄割據亦見戲安用七竹助驚蚊雷東坡羽化不復返

涼安何日成歸來鸚鵡洲前舊時路寒波荒蕪令人

故園山水真奇哉三徑蘭菊當年栽自嗟流浪不知
返江城曉角愁吹梅詩書邀我悲半世車轍前却連
崔嵬試尋夷路到聖處馬力已竭煩與臺去天尺五
吐條句孔丘盜跖俱塵埃坐疑蓬島尋丈尔扁舟徑
入浮雲堆肩摩嵇向挽焦賀欲倒瀛海為尊壘夢中
失脚在何許千里關越天雨限隻身形影自相弔俯
仰馬鬣迷青苔蘭階彫謝如葉落荆樹慘淡無花開
向來憑公不自度一手欲以太華摧那知天目山頂
靈兒啼下跡雲間雷華亭石耳竟安在遼東白鶴還
遠來終尋三十六峯去要識前許平餘哀

感事

大弓爲陽氏神鼎淪泗淵何須識微士周魯必不全
武庫一朝火斬蛇逐飛傷心睨前事氏虜旋紛然

又

山川非晉土悲泣劫楚囚一語強自慰淒迷望神州
刺史下荆水司農耒石頭七園管夷吾過計非私憂

又

元規負康濟徒手嬰群雄兵後歷陽未無地逃竄鋒
誰半死社稷千載一卞公英風與義氣難立成江東

雪梅各一首

去年雪欺客平地一尺深謝遣東閣花解顧西牀琴
故人初不知屋對芳見尋悠然振衣起誰復明此心

又

寒梅卧烟雨山有奇氣六龍扶翼之月袂攬雲纒
先生九疑仙心真筌秘時作花骨瘦淨乃可貴

道中

疾憂勅征行金火方抵梧宵分餉群僕乘月問前路
小兒何自至攬我陳洲渡暗浪擊層崖平沙起驚鷺
莽蒼川花開莫蒙山氣聚物情豈不嘉悶滯非所遇
鈴語出林表風期呼我住本素志歸歎詠嘉句

午枕得高深復覺清景駐誰云適所創亦乏流世具
以茲一夢頃可况百年遇咄哉郭氏子破齏尚欲語

自作挽歌辭

憂幽坐南軒萬壑取我囚疾雷且不聞
強顏理編簡閱世如東流滔滔竟不返誰復
天涯念孤姪携母依諸劉書來話悲辛心往
先塋託仙峯山僧掃梧楸二女隨母住外翁
伯氏尚書郎名字騰九州仲兄中武舉氣欲
棟華一朝集荆樹三枝稠堂堂相繼去遺我
漆園夢方覺白衣雲正浮憑陵若蹈空何處
華輪

故鄉豈不懷一作屋食良亦一作易謀自我識
天無怨尤平生喜聞詩此詩當挽謳不須生為真
從二兄游作漆園一作遠遊白衣服一作初浮

玉瀾集終

英偉豪傑之士生必有所自來故
其亡也決不泯二與草木俱腐觀
玉瀾先生之集願不異哉夫得則
喜失則悲有所不平則怨刺此詩
入之情也惟深於道者不然無入
而不自得先生近之先生少有軼
才自負其長不肯隨俗俯仰厄窮

蹶蹶有人所難堪而其節愈厲其
氣益高其詩間暇畧不見悲傷憔悴
之態其視富貴利達真糝糠土
苴爾春風一篇雍容廣大有聖門
舞雩氣象感事三篇慨然見經世
之志自作挽歌詞齊得喪一死生
直歌友淵明於千載至所謂自我
誠興廢於天無怨尤非深於道者
能如是乎嗚呼以先生之才使其
作於聲詩薦之郊廟發其所蘊措
諸事業何愧古人百不一售使後
世所以知公者獨此數十詩而已
悲夫先生有兄曰韋齋白首即潛
求究大用人以為恨其詩凌厲高

古有建安七子之風常齋之于南
康史君今又以道學倡其詩源遠
而流長信矣哉淳熙辛丑仲春望
日梁谿尤袤敬跋



予承之吳邑嘗手錄常齋
先生集若干卷而訛闕無
所予考比倅新安謂文公
于紫陽書院紫陽常齋舊
遊地也因舉其數通守雅
陽陳侯性之乃出是編與

其弟王澗集一卷爰正所
錄本年刻之嗚呼是書始
行於南康再行於旌德今
不傳矣新安為書齋里
居而後學之仕於其地歎
徵文獻固不可無是書歎

溯本源尤不可無是書况
有禪於風化願見而不可
得者則是書信不可無也
若夫先生父子昆弟家學
之相授受序跋郡乘已載
願末復何言

弘治癸亥春二月既望

丘廊璠謹題

